

„Bosansko-podrinjsko“ ŠGP formirano je Odlukom Vlade F BiH br.10/07, od 24.01.2007. god., objavljenom u Službenim novinama F BiH br. 10/07, od 14.02.2006. god. ŠGP „Bosansko-podrinjsko“ sastavljeno je od pet dijelova nekadašnjih ŠGP-ova i to: „Goraždansko“, „Gornje Drinsko“, „Zagorsko“, „Jahorinsko“ i „Rogatičko“.

„Bosansko-podrinjsko“ ŠGP je locirano u jugoistočnom dijelu BiH i zauzima najistočniji dio Federacije BiH između 18032'00" do 19001'10" istočne geografske dužine i 43025'10" do 43948'06" sjeverne geografske širine. Prema lokalnim okvirima locirano je pri gornjem dijelu slivnog područja rijeke Drine, na obroncima planinskih masiva Treskavice, Jahorine, Romanije i Kovač planine, od naselja Milanovići na istoku, preko naselja Filipovići na jugu, Bosanske međe-lokalitet Bogdani (1.326) na zapadu, do Gole Strane na sjeveru.

Visinski dijapazon rasprostiranja ŠGP-a je 1.407 m, od najniže tačke na rijeci Drini ispod naselja Hubijeri 343 m.n.v., do Borovca na 1.750 m.n.v. Ovo ŠGP nalazi se u okviru granica Bosansko-podrinjskog kantona.

ŠGP „Bosansko-podrinjsko“ sastoji se od četiri gospodarske jedinice: Podkozara, Kolunska Rijeka, Osanica, Prača.

Ukupna površina šuma i šumskih zemljišta „Bosansko-podrinjskog“ šumskogospodarskog područja iznosi 24.974,4 ha, od čega je minirano 4.150,7 ha, ili 16,62%. Najveći procenat čak 99 % minirane površine je u GJ „Podkozara“.

Procentualno učešće širih kategorija šuma i šumskih zemljišta u ukupnoj površini ŠGP-a je kako slijedi: visokih šuma sa prirodnom obnovom 29,89%, visoke degradirane šume 17,63%, šumski zasadi 8,68%, izdanačke šume 34,76%, pa slijede šumske goleti ispod gornje granice privredne šume sa 6,20%, neproduktivne površine u šumarskom pogledu 2,53% i uzurpacije 0,31%.

ŠGP „Bosankso-podrinjsko“ rasprostire se na teritorijama tri opštine i to: Goražde, Foča - Ustikolina i Pale - Prača. Od ukupne površine šumskogospodarskog područja 5.931,9 ha ili 23,75% leži na području općine Prača, 8.180,8 ha ili 32,76% na području općine Foča-Ustikolina i 10.860,5 ha ili 43,49% na području općine Goražde.

Najveći procent minirane površine je na području općine Foča-Ustikolina 20,19%, na području općine Goražde 17,46% i najmanje na području općine Prača 10,19%.

